



ՀԱՍՏԱՏՈՒՄ ԵՄ՝  
ԲՆԱԴԱՇՊԱՆՈՒԹՅԱՆ  
ՆԱԽԱՐԱՐ



# ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ  
ՓՈՐՁԱՔՆՆՈՒԹՅԱՆ

ԲՓ 71

**Ձեռնարկողը՝**

**<<ԽԱԶՀԱՐ>> ՍՊԸ**

բ. Երևան, Հովսեփյան 95ա

**Գործունեությունը՝**

**Շինարարական թափոնների վերամշակման  
աշխատանքների շրջակա միջավայրի վրա  
ազդեցության գնահատման հաշվետվություն  
բ. Երևան**

«Շրջակա միջավայրի վրա ազդեցության  
փորձաքննական կենտրոն» ՊՈԱԿ  
տնօրենի ժ/պ՝



Ռ. Ոսկանյան

ՊԵՏԱԿԱՆ ՓՈՐՁԱԸՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱԸՆՆՈՒԹՅԱՆ

թիվ ԲՓ 71

«23» 08 2018թ.

**«ԽԱՂՀԱՐ» ՍՊԸ կողմից ներկայացված շինարարական թափոնների վերամշակման աշխատանքների շրջակա միջավայրի վրա ազդեցության գնահատման հաշվետվություն**

Պատվիրատու՝ «ԽԱՂՀԱՐ» ՍՊԸ,  
Նախագծող՝ <<Էկոբարիք-Աուդիտ>> ՍՊԸ,  
Ներկայացված նյութեր՝ Գնահատման հաշվետվություն /ՇՄԱԳ/,  
Տեղադրման վայրը՝ ք. Երևան, Արտաշատի խճուղի 1, նրբանցք 6/2,  
Գործունեության կատեգորիան /Ա/ կատեգորիա,

Համաձայն ներկայացված աշխատանքային նախագծի և շրջակա միջավայրի վրա ազդեցության գնահատման հաշվետվության «ԽաչՀար» ՍՊԸ-ն զբաղվում է ճանապարհաշինարարական, վերանորոգման և շահագործման աշխատանքներով: Նշված աշխատանքներն իրականացնելու համար իր ենթակայության տակ ունի ասֆալտ-բետոնի, բետոնի, խճի մանրեցման, քարի փոշու չորացման տեղամաս և բիտումային էմուլսիայի պատրաստման արտադրամասեր:

«ԽաչՀար» ՍՊԸ արտադրական տարածքը գտնվում է Երևան քաղաքի հարավային ծայրամասում, արդյունաբերական շրջանում: Ընկերությունը գործունեություն է ծավալում 2001թ-ից:

Ընկերությունը նախատեսում է շինարարական թափոնների (կտորների տեսքով ասֆալտբետոնե խառնուրդների, շենքերի մասնատման) վերամշակման աշխատանքներ:

Վերոնշյալ աշխատանքները չկատարելու դեպքում շինարարական թափոնների ամբողջ ծավալը պետք է ուղղվի շինարարական աղբավայր: Շրջակա միջավայրը շինարարական թափոններով չաղտոտելու նպատակով ընկերությունը որոշում է կայացրել կազմակերպել շինարարական թափոնների վերամշակման աշխատանքներ:

Վերամշակման ենթակա թափոնների ակնկալվող տարեկան ծավալները կազմում են՝

- ասֆալտբետոնե խառնուրդների թափոններ-100,000տ/տարի



- շենքերի քանդման /մասնատման/ թափոններ - 200,000տ/տարի:

Եշված աշխատանքները իրականացվելու են բացառապես ընկերության հաշվեկշռում առկա տեխնիկական միջոցներով:

Շինարարական աշխատանքների ընթացքում առաջանում են կտորների տեսքով ասֆալտբետոնե խառնուրդների թափոններ, որոնք բեռնատար մեքենաներով պետք է տեղափոխեն ընկերության արտադրական բազա և պահեստավորվեն ըստ տեսակի: Այնուհետև կատարվում են հետևյալ պրոցեսները՝ շենքերի մասնատման թափոնները, որոնք հիմնականում պարունակում են քար և բետոն, գիպսային միացություններ, երկաթ, ավազ, փայտանյութ, տեսակավորվում են: Քար և բետոնյա իրերը ուղղվում են մանրեցման հանգույց, որտեղ մանրեցվելուց հետո ուղարկվում են իներտ նյութերի կուտակման հրապարակ: Մանրեցված արտադրանքը կարող է օգտագործվել բետոնյա իրերի և ասֆալտ-բետոնի արտադրության մեջ: Երկաթը և փայտանյութը կարող են օգտագործվել շինարարական աշխատանքների պրոցեսում՝ որպես երկրորդային հումք:

Ելնելով արտադրական անհրաժեշտությունից այն պետք է վերամշակվի ասֆալտ-բետոնե հոսքագծերում և ստացվի պատրաստի ասֆալտ-բետոնե արտադրանք:

«ԽաչՀար» ՍՊԸ արտադրության գործընթացում մթնոլորտ արտանետվող վնասակար նյութերի հիմնական աղբյուր են հանդիսանում հետևյալ պրոցեսները՝

- N 1, 2 ասֆալտ-բետոնի հանգույցները,
- Բիտումի պահպանման, տաքացման հանգույցը,
- Բետոնի հանգույցը,
- Բետոնե իրերի պատրաստման տեղամասը,
- Խճի ջարդման և մանրեցման հանգույցը,
- Իներտ նյութերի կուտակման բաց հրապարակը /խիճ, ավազ/,
- Քարի փոշու չորացման տեղամասը,
- Բիտումային էմուլսիայի պատրաստման տեղամասը:

Շինարարական թափոնների վերամշակման աշխատանքները իրականացնելու ընթացքում ջուրն օգտագործվում է իներտ նյութերի կուտակման պահեստի, ինչպես նաև ինժեներատեխնիկական անձնակազմի, բանվորների և վարորդների կոմունալ կենցաղային կարիքների ապահովման համար:

Ընկերության ջրամատակարարումը և ջրահեռացումը իրականացվում է միանալով քաղաքային համանուն ցանցերին:

Հաշվետվությունում ներկայացված են ազդեցությունների նվազեցմանն ու կանխարգելմանը ուղղված միջոցառումներ, որոնց արդյունքում արտանետումները կլինեն թույլատրելի նորմերի սահմաններում:

Գործունեության իրականացման ընթացքում նախատեսվում է շրջակա միջավայրի մոնիթորինգ՝ այդ նպատակով նախատեսվում է պայմանագիր կնքել մասնագիտացված բնապահպանական կազմակերպության հետ, որը ասֆալտգործարանի տարածքում և մոտակա զգայուն կլանիչի մոտ (տուն, հանրային օբյեկտ) կկատարի նմուշառում և ածխաջրածնի, փոշու, ազոտի ու ծծմբի երկօքսիդի պարունակության որոշում: Մոնիթորինգի միջոցառումների պարբերականությունը կլինի եռամսյակային, չափումների արդյունքները կգրանցվեն մոնիթորինգի մատյանում:





**Եզրահանգում՝** Նախատեսվող գործունեության իրականացման դեպքում տարբեր վայրերում՝ առաջացող շինարարական թափոնները կտեղափոխվեն ընկերության տարածք և կվերամշակվեն, ինչը հնարավորություն կտա դրանք հետագայում օգտագործել շինարարական գործընթացներում: Գործունեության իրականացումը կկանխի շինարարական թափոնների կուտակումը աղբավայրերում և դրանցով շրջակա միջավայրի աղտոտումը: Նախատեսվող գործունեության իրականացման վերաբերյալ կազմակերպվել են չորս հանրային քննարկումներ, որոնց արդյունքում մասնակիցները և ազդակիր համայնքը նախատեսվող գործունեության իրականացմանը հավանություն են տվել:

### ԵԶՐԱԿԱՑՈՒԹՅՈՒՆ

<<ԽաչՀար>> ՍՊԸ կողմից ներկայացված շինարարական թափոնների վերամշակման աշխատանքների գնահատման հաշվետվության վերաբերյալ տրվում է դրական եզրակացություն:

Տնօրենի տեղակալ՝

Մասնագետ՝



Ա. Դոնոյան

Ա. Մինասյան